



Шолшо эл, порымлык да гим берг!

42-шо (3430) №,
2019 ий 19 октябрь,
шуматкече.

Будь готов/ ЯМДЕ ЛИЙ

1933 ий 1 февраль годсек лектеш.

0+

Кажне марий йоча лудшаш



Авторын фотожо.

Шернур район Купран
школышто 59 ўдыр-рвезе тунемеш. Нунын деке
«Ямде лий» газет подписке дене мия. Марий йылмым да литерату-
рым туныктышо Нина Витальевна Малинина газетым урокышто кучылтеш.
Кодшо кугарнян ты школышто вашлиймашым эртарышым: газет нерген кутырышна,
модна, туштылан вашмутым кычална.

– Кушто фотографийым ыштена? – йодым ўдыр-рвезе-влак деч.

– Айста каныме беседкыш! – кычкыралыч да рўжге кудывечыш куржын лектыч.
Мотор шыже кечын теве тыгай снимке лекте. Ача-ава-влак, шочшыдам палышда? Ужыда,
«Ямде лий» нунылан кузе чот келшен! Тугеже подпискым ышташ ида мондо. Вет
марий газет марий икшывылан лектеш.

Н. СЕМЕНОВА.

КОНКУРС ДЕТСКИХ РИСУНКОВ

ПОДПИСКЕ

0+

лѐд и пламень

и НОВЫЙ ГОД

1 МЕСТО - 1000 РУБ.

2-3 МЕСТО - поощрительные призы

Возрастные категории:

с 4 до 7 лет

с 8 до 11 лет

с 12 до 15 лет

Работы принимаются до 1 декабря 2019 года

во всех магазинах «Лед и пламень» или на e-mail: marketing@mail.ru

Формат работ: А4. От 1 участника принимается 1 работа. Итоги будут подведены 16 декабря 2019 года.

Эрла,
20 октябрь-
ыште,
Подпис-
чыкын декадыже пыта.
«Ямде лий» газетлан
293 тенгеат 46 ыр ак
дене возалташ лиш.
Индекс - П4696.

Вес йон – электрон под-
писке. 89024668399 теле-
фон номерышке 150
тенгем пыштыман.
yamde_lii@mail.ru адресыш
лўмнердам возен колтыман.

Рекламе.



Рекламе.

«Брейн-ринг» вуча

Сенымаш



Кок модыш, «Мо? Кушто? Кунам?» да «Брейн-ринг», дене Открытый чемпионатын республикысе этапше эртаралтын. Тудо Юл кундем федерал округысо «Географий» темылан пӧлеклалтын. Таңасымашке Марий Эл Республикысе 13 район да олала гыч 8-11-ше класслаште тунемше-влакын 15 командышт ушнен. Советский посёлкысо 3-шо номеран школын командыже икымше верым сенен налын. Тудо Марий Элын чапшым 2 ноябрьыште Ульяновск олаште эртаралтше Чемпионатын финалыштыже аралаш тўналеш. Кокымшо верыш Йошкар-Оласе 11-ше номеран лицейын ўдыр-рвезыже-влак лектыныт. Параньга кыдалаш школын командыже кумшо лийын.

Марий Элысе образований да науко министерствын сайтше гыч налме.

100 ЭН ЛИШЫЛ

Мыйын шочмо верем – Ронго села. Тыште мыланем чылажат чонлан лишыл. Шинчымашым погаш йонгыдо кугу школ, йоча-влакын усталыкыштым вияндаш да кугыен-влак-лан канаш клуб-влак улыт. Уремыш лектат, шола могырыш ончалат – кевыт, пурлаш ончалат – адак кевыт. Кўржа энгер коллан поян. Ший памаш вўдым тамлен шерет ок тем. Тиде калыкын эн саклыме верже. Тышке Ронго калык вургемым ошемдаш коштеш, кугу пайрем годым кумалын, памаш гай яндар, волгыдо илышым, таза капкылым, кужу ўмырым йодеш.

Надя АНДРЕЕВА.
Советский район.



Пушентге шындыме жап



Марий самырык театр 27 октябрьыште «Сӧсна поминка... таче, але Шӧртньӧ пўй – Пампалче» спектакльын премьерышкыже ўжеш. Спектакль 15 шагатлан тўналеш. (16+)

Историйым шергалына

1827 ий 20 октябрьыште руш флот да тудын союзникше-влак Наваринысе кредалмаште (Греций) турко флотым кырен шалатеныт, 60 корабльым вўд йымаке колтеныт. Руш эскадрын «Азов» флагманже 5 турко корабльым шалатен.

«Октябрь – пушентге шындыме тылзе», – ойла биологийым туныктышо Лидия Николаевна Веденькина. 8-9-ше класслаште тунемше-влак, туныктышын мутшым шотыш налын, урок деч вара поро пашам ышташ тарванышна. Школыш пурымаште вон-

дер-влакым шындышна, а Тўвыра пӧрт воктене – ик радам пистым. Ий-влак эртымеке, шке пистынам толын ончалына да тиде шыже кечым порын шарналтена.

Яна ВЕДЕНКИНА,
9-ше класс.

У Торъял, Кузнеч.




7-17 ияш ўдыр-рвезе-влак, Сенымашлан 75 ий теммылан пӧлеклалтше «Нарисуй Ёлку Победы» открытым сўретлыме конкурсышко ушныза.

Тудым Сенымаш музей, Российын почтыжо да Оксана Фёдорован поро кумылым ончыктышо фондшо эртарат. Паша-влакым 10 ноябрь марте колташ лиш. victorymuseum.ru сайтым ончыза.



31 октябрьыште «Ўдырсий» регион-влак кокласе конкурс Марий самырык театрыште 18 шагатлан тўналеш. 18-25 ияш ўдыр-влак таңасат.

Конкурсышко ушнаш йодмашым 21 октябрь марте mari-centr@mail.ru электрон адресышке колтыман. 21-31 октябрьыште Интернет йўклымаш эртаралтеш.



1 ноябрьыште Республикысе йоча да самырык-влак-лан В.Х.Колумб лўмеш книгагудышто «Марий кундем, шўмлан пеш поро тый улат» почеламутым сылын лудмо конкурс эртаралтеш. Тудо Марий Эл Республикын шочмо кечыжлан пӧлеклалтеш. Конкурсыш тунемше ден студент-влак ушнен кертыт.



10-11 октябрыште Йошкар-Олашке йоча писатель Ая эН толын коштын. Чын лўмжӧ – Ирина Борисовна Крестьева. Тудо Тбилиси (Грузий) олаште шочын. Ая эН – «Мутангелы» (7 томан), «Сказки не по правилам», «Фирифки или физика в рифмах» да моло фантастике сынан книга-влакын авторжо, «Книгуру» всероссийский конкурсын лауреатше, Печать да массовый коммуникаций шотышто федерал агентствын йоча да подростко лите- ратурын экспертше.

Физик гыч лирикыш

– Псевдонимда пеш оҥай. Тудо кузе шочын?

– Мыланем кугезе ковамын Айрин лўмжым пуаш шоненыт улмаш. Шочмо кагазеш тымат- лын шоктышо Ирина лўмым возыктеныт. Ешыштына чыланат мыйым Ая маныт. эН псевдоним вучыдымын шочын. Мый «Собеседник» журналыш шанче статья-влакым чўчкыдын возкаленам. Икана редактор Дмитрий Быковлан йочалан возымо ойлымаш- влакемым кучыктенам. Лўмемым йодмыжлан, шоналтыде, «Ая эН улам» вашештенам. «N» – инкогнито, шылтыме лўм манмым ончыкта.

– Специальность дене те физик улыда. Кузе сьлнымутыш кусненда?

– Икымше почеламутым 3 ияш да кум тыл- заш улмем годымак возенам. Икымше клас- сыште тунемаш моткоч йокрок лийын. Лудын, возен моштенам, сандене урокышто тўрлым шонкален шинчаш йӧратенам. Икана тунык- тышын нерышкыже кечыйол логалын, а мыйын вуйыштем йомак-ойлымаш шочын, пуйто тудын нерже кушкеш, кушкеш, кушкеш, укшыш савырна да ўстел йолеш пўтырна. Туныктышо кенета верже гыч тарванен, а мый тӧрштен кынелынам да «Нер!» манын кычкыралынам. Чыланат ӧрыныт – мо лийын? Но мый чыным ойлен омыл.

Ешыштына чылан «технарь» улыт. Авам – физик, ачам – инженер. Мый сьлнымут корно дене каяш шоненам, но ачам-авам тореш лийыныт. Тыге физиклан тунемаш пуренам. Ятыр ий шанче пашаште тыршенам. Москваш илаш толмеке, шканем каласенам: литератур корныш куснем.

– Возаш тўналше йоча-влаклан могай канашым пуэда?

– Нигунам иканаште кугу романым возаш ида пиж. Уке гын графоманыш савырнаш лиеш. Кум-ныл лаштыкан кўчык ойлымаш гыч тўналза. Тыге возымо стильым муаш сайрак. Шкалан лишыл темым кычалза. Геройлан палыме еным але йолташым налаш лиеш. Произведений иканаште огеш шоч гын, возы- мыдам коранден пышташ ида лўд. Жап эрты- мек, у шонымаш дене сайрак ойлымаш лек- теш. Тидын дене мый ик гана веле огыл тўк- ненам.

Ая эН дене пырля «Книгуру» всероссийский конкурсын экспертше, лите- ратур критик, журналист К.А.Молдавская толын. Республикысе йоча да самы- рык-влаклан В.Колумб лўмеш библиотекешты тудын дене вашлиймаш эртен.



– «Книгуру» тений лумшмо гана эртаралтеш. Тиде всероссийский конкур- сышко коло элысе 245 ола гыч писатель-влак ушненыт. Нунын произведенийлаштым 10-17 ияш йоча-влак аклат. Кузе журишке логалаш? <http://kniguru.info/> сайтышке пурен, регистра- цийым эртыман. Тений 623 произведенийым аклымашке лукмо. Спискыште улшо кеч кум книга лудын, кеч-могай стиль дене отзывым возыман. Тыге йоча-влак сенгыше авторым ойырат. Отзывда-влак тўрлӧ журналыште, сайтыште савык- талтыт. Тиде тунемаш пурымо годым шўкалтышым ышта, – ойла Ксения Александровна.



Х.АЛЕКСАНДРОВА, Е.ИВАНОВА.

Кызыт шуко ача-ава деч «Йоча огеш луд» ман- мым колаш лиеш. Тидын годым кузе лияш? Йочам книга деке кузе шўмандаш? Икмыняр канашым темлена.



Ача- ава книга, газетым, журналым лудыт гын, йочанат лудаш кумыл- жо лектеш.

Книга йочан кумылжым нӧлтышаш. Налмыда годым книга комлан да книга кӧргысӧ сўрет-влаклан тўткышым ойырыза.

«Таче лу лаштыкым лудат – модаш кает», – тыгай ой дене икшывыдам книга деч йўк- шыктарен кертыда.

Книга йочан ийготшылан келшыше лий- шаш. 3-6 ияш икшывылан шуко сўретан, модыш семын келыштарыме книга келшен толеш. Школыш коштышлан – оҥай энциклопедий.

Книга йочалан огеш келше гын, виеш ида лудыкто.



Родо-тукум еш

11
октябрь
гыч 20
октябрь
марте
Родо-
тукум
финн-
угор

Соцкыллаште марла воза

калык-влакын кечышт палемдалтеш. Түрлө мероприятий, конкурс, концерт эртаралтыт.

Иктыже – Финляндийын рүдöлаштыже, Суомиште, финн-угор калык-влакын «Sugrifest» фестивалышт.

Тушто «Финно-угорские звезды в социальных сетях» конкурсышто сеныше-влак шочмо калыкышт нерген каласкалаш тўнгалыт.

Нунын коклаште – марий ўдыр, Марий кугыжаныш университетын студенткыже Надежда Имаева (снимкыште).

– *Надя, конкурсыш аклаш могай пашам колтенат?*

– Мый «Вконтакте» соцкылысе «Почеламут сем» тўшкам (группым) да «Instagram»-ысе ot.mondo лаштыкем конкурсыш колтенам. «Почеламут сем» тўшкам 2016 ийыште почынам. Тушко тачысе кечылан келшыше марий почеламут-влакым луктам. Самырык лудшылан онай лийже да марий поэзийым

йöратен шындыже манын, почеламутлан келшыше сўрет-влакым кычалам. Инстаграмыштат түрлө темылан марла возем.

– *Соцкыллаште марий йылмым кучылташ кўлеш мо? Кузе шонет?*

– Мутат уке, кўлеш. Кучылтман! Кеч-могай йылмын моло йылме-влак дене пырля төр праваже уло. Шочмо йылмына ынже йом, йоча-влак лудышт, марий йылмым палышт манын, марла возем. Тек самырык-влак примерым налыт.

– *Возымет годым могай хештег-влакым кучылтат?*

– Мо нерген возем, тугай хештегым кучылтам. Икмыняржым палемден кодем: #мариленд, #марий-стиль, #келша, #философий, #теле да молат.

– *Моло родо-тукум финн-угор калык-влак дене кылым кучет?*

– Богата Тимар (венгр), Юха-Пекка Маннисенмаки (финн), Мари Сипонен (финн), Томас Хансо (эстон) дене. Ўдыр-рвезе-влак дене марла возкалена. Нунылан марий йылме, тўвыра, сымык-



Фотом еш архив гыч нал

тыш онай. Вуз-влак коклаште студент-влакым вашталтыме проект почеш ўмаште Удмурт кугыжаныш университетыш тунемаш миенам. Нунын дене кылым ыштенам.

– *Тый университетыште финн йылмым келгын тунемат. Эше могай йот йылме-влакым палет?*

– Школышто немыч йылмым тунемынам. Англичан йылмым изиш палем. Венгр да англичан йылме-влакым келгынрак тунемаш кумылем уло.

Х.АЛЕКСАНДРОВА
мутланен.

Финн

Пўчын пöртшö

(физкультминутко)

Илен улмаш пўчö (парнялам шаралтен, кок кидкопаге вуйыш тўкена – тўкö семын). Тудын пöртшö пеш кугу (вуй ўмбалне пöрт леведыш семын ыштена).

Янлык тўткын ончыштеш (пурла кидым сангашке тўкена),

Кузе окна почылтеш (кок киднам ондак кутышын, вара окна семын кутынь ыштена).

Трук меран тöрштен лектеш (меран пылыш семын киднам шогалтена),

Корно дене кудалеш (куржмыла ыштена)

Да омсам йышт тўкалта (мушкындо дене пуйто омсам кырена).

– Тук-тук-тук, омсатым поч (пурла кидым пурла-шолаш лупшена)!

Тушто, пундыш вуйышто (кугыварня дене шентекрыла ончыктена),

Пычалан сонарзе («пычалым» ончыктена).

«Пуро, пуро, меран тос (уэш меран пылышым ыштена)!

Теве тылат мелна ос!» (кок кидге ончык шуялтена).

Финн-угор тўшкаш пурышо калык- влакын модышышт



Ужава

Удмурт

Модышвуйым ойырат.

Тудын вуйжым да пулвуйжым шўргўштыш дене кылдат – ужава лиеш. «Ужава», тöрштыл-тöрштыл, йырже куржталше йоча-влакым кучышаш. Кö логалеш, тудо модышвуй лиеш.

Тумна

Мордва

Модышвуй – тумна – чўчырнен шинчын мала. Малымыж годым йоча-влак куржталыт. Тумна помыжалтеш – чыланат йымен шогалшаш улыт. Кö тарвана, тумна ужын шукта гын, тудо модышвуй лиеш.

Онай

КИИКИНГ

– тиде спортын видше лач Эстонийыште палыме. Мутшым марлашке кусараш гын, «лўнгалтыш» лиеш. Спортсмен, кужу лўнгалтышыш шогалын, йыр пöрдын савырна.

Н.СЕМЕНОВА ямдылен.

Кокымшо пörтем

Школ – тиде кокымшо пörт. Тушто ме латик ий тунемына. Кажне йоча тудым шке семынже йората. Мый Ронго школын шымше классыштыже тунемам. Школна 1837 ийыште почылтын. Икымше вуйлатыше Г.Я.Гвоздецкий лийын. Кызыт Н.М.Шабалина вуйлата.

Школ ончылно мотор пеледыш-влак кушкыт. Мемнан школна кок пачашан. Тушто марий йылме, руш йылме, англичан йылме, математике, информатике, биологий, историй да моло кабинет-влак, ик спортзал, актовый зал, книгагудо да кочмывер улыт. Омса воктене дежурный-влак кокымшо йолчием улмым тергат. Мый шке классышкем каем. Тудо кокымшо пачашыште верланен. Ме руш йылме кабинетыште тунемына. Теве звонок йынгыртыш. Классышке Людмила Владимировна пурыш. Урок тунале.


Дима КУЗНЕЦОВ.
Советский район.



Школлан – 30 ий



2-шо номеран Шернур кыдалаш школ 30 ияш лүмгечыжым палемден. Пайремыш шуко уна, туныктышо-ветераң, выпускник-влак погыненыт. Йоча-влак фото-ончерым, пырдыжгазетым, фотом войзаш лүмын верым келыштареныт. Выпускник-влакын видеосаламлымышт пайремлан посна шўлышым пуртен. Сылне концерт кажнылан келшен. Туныктышо-влакын онгай сценкышт поснак кумылым нолтен. Мурызо-влак Ирина Якаева ден Артур Ефремов пайрем дене саламленыт.



Катя РЫБАКОВА.

2-шо номеран Шернур школ.



Кристина Степанова (снимкыште) Арбор школын 9-ше классыштыже тунемеш. Тудо туризм кружокыш коштеш. Россий күкшыгыштат сенгымашыже уло. Кристина тыгак куржталаш тале. Теве Шернур районысо Купран школышто эртаралтше кроссышто икымше верым налын.

Диана СЕМЁНОВА.
Марий Турек район.

Лүмгече

Икымше марий ўдырамаш сўретче Елизавета Аглашкинан шочмыжлан – 140 ий (1873 ий 25 октябрь). Тудын сўретше-влакын лўмыштым палыза.



Түрлө түсан шыже

Шыже, шондыкшым почын, шөртныжым пушенге-влаклан пöлеклен. Шыжа тылзе чиям ок чамане, мландымбаке йоктара, ала-кöлан төшакым ямдыла.

«Шыже кече латкок түрлө», – манит калыкыште. Чынак. Теве кече шыратен онча, теве йўр опталеш. Лыжлож веле шокта. Тиде йочалан пеш келша. Лўдаш нимолан. Зонтик уло, кемат ямде. Тек йўреш. Мардеж тышке-тушко куржталеш. Пушенге-влакым лыдырта. Шонет: ката, тодылеш. Уке, чамана, витне. Ала ноя, ала вийже пыта. Пушенгым турама. Ала шкеже шылеш? Кажне пушенге шке семынже мотор. Пызле полан дене ўчаша: иктыже весыж деч йошкаргырак. Моло пушенге-влакат чевергеныт, нарынчемыныт. Ончен шерет ок тем. Теве ваштар лышташ. Ик поэт тудым айдемын шўмжö дене тагастарен. Чынак улмаш. Тиде шыжын шўмжö.

Ирина ПЕТРОВА.

Морко, Коркатово.



В.СМИРНОВ ямдылен.

ПОДПИСКЕ – 2019

Чодыра гыч рывыж
кудал толеш.



Вүдкува ер вүдым подыл колта, ер кошкенаш шинчеш. Ер пундаш гыч товарым налеш да адак руаш тўналеш.

Маска толеш, кува деч товарым йодеш.

Шонго, шонгым ок ондале вет.



Пампалче тудлан «Ямде лий» газетым пуа. Маска лудаш пижеш.

Ой, кувай, тый пеш арненат, изишак руаш тыланет мый полшем.



Вара товарым вүдыш кудалта.

Тидлан чот йывыртен, Ший Пампалче пўнчө вуй гыч «Ямде лий» газетым кудалта.

Вара товарым вүдыш кудалта.



Вүдкува уэш ер вүдым подыл колта. Товаржым налеш да руаш тўналеш. Ший Пампалче, адак акажым сөрвален, порсын лўнгалтышым йодеш.

Ший Пампалче акаж дене илаш тўналеш. Пеленже кондымо «Ямде лий» газетым куанен лудыт.

Тыгодым порсын лўнгалтыш воленат кая.



Изиш кайымеке, патыр марий котомкаште молым ончалнеже.

Патыр кугызаж деке миен шуэш. Котомкам ўстембаке почкалтен колта – Ший Пампалче лектын шогалеш.



Ик кечын акаже патыр марийжым ачаж деке унала колта. – Корнеш шыдан эгерчым ит посло, ачам деке тичмашын намиен шукто. Послет гын, шинчат пудешталтеш, – манеш ватыже.

Ала эгерчым послаш?

Кўнар мўндыр-кўужеш!

Ужам вет!




Ой, ўдырем, чон падырашем.

Ўдыр-каче-влак толыт, пеш куаненыт. Ший пўян Ший Пампалче нунылан «Ямде лийым» кучыкта. Чылан газетым куанен лудыт.



Мучаш.

Тўнгалтышыже – 38-ше, 41-ше номерлаште. Ф.Лебедева сўретлен.



Радамым сүретлен пыгаре.

Шыжым «шөртнө» йога

Шыже йүран, йүштө мардежан, но емыж-саскалан поян. Шөртнө түсан лышташ-влак мландымбаке чарныде велыт. Мый тыге манам: «Пушенге гыч лышташ огыл, шөртнө йога».

Владислав ДЕМИДОВ.

Шыже мемнан дек мардежым, йүрым конден. Ме, лышташым поген, төшакым ыштен модына. Тудо пеш пушкыдо, төрштылаш сай.

Костя МАКСИМОВ.

Звенигово, Нуктыж.

Шыже каникулым Шочмо элнан рүдолаштыже эртарышым. Ковам дене коктын Москосо кугыжаныш циркыш, Йошкар площадьыш миен коштна. Йошкар площадьыште лачак ялозанлык выставке лийын. Тушто түрлө пеледышым, пакчасаскам да техникым ужын толым. А циркыште мылам эн чот клоун ден тигр-влак келшеныт.

Аня ВИНОГорова.

Звенигово,


Красногорский.



Йоча-влак, теат повар лийын кертыда, сүретысе мераным ыштен ончыза. **Кўлыт:** кинде, муно, колбаса, кияр, помидор, редис, маслине.



Тыште могай пушенге-влакын лышташыштым шылтыме?



Шотыш нал!

Көргө шижмашет умылынет – автопортретым сүретле. Шоньмашетым радамлаш кўлеш – квадратным але каршым сүретле. Шкендым да кумылетым умылынет – коллажым ыште. Нелылык гыч лекташ йоньым кычалат – толкыным да онгым сүретле. Пашат ок воран, ик верыште тошкыштмым шижат, но ончыко ошкылаш кўлмым умылет гын – спиральным сүретле.



Сүретым чиялте.

Индекс: П4696.
Тираж 1150 экз. Заказ
Формат – А-4-8.
Тўн редактор
Л.В.СЕМЕНОВА.

https://vk.com/yamde_lii
https://ok.ru/yamde_lii
E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.

Номер – ПИ №ФС 18-1999,
2005 ий 10 февральыште пуымо.

0+

Печатыш пуымо жап – 14-00,
фактически – 13-00

Авторын да редакцийын шоньмашыш түрлө лийын кертыт. Серыш-влак мөнгеш огыт колталт. Ак – кутырен келшыме почеш.

Редакцийын да издательын адресше: 424006, Йошкар-Ола, СССР
Вооружённый Вийын
70-ше идалыкше урем, 20-шо пöрт.

Конкурс



Памятник воктене

Йоча-влак, кенезж каникул жапыште түрлө вере коштында, шуко памятникым ужында, очыни. Воктекышт шогалын войзалтында? Тугеже мотор фото-влакым редакцийышке колтыза. Лўмдам, кушеч улмыдам, памятникын лўмжым возен колташ ида мондо. Пашада-влакым https://vk.com/yamde_lii адрес дене тўшкаш верандена. Йўкльшө «Ямде лий – марла йоча газет» тўшкан подписчикше лийшаш.

Кенезж канышем


Кенезжым Йошкар-Олашке унала миенам. Набережныйыште мотор верым ончен коштынна: шарныктышым, фонтаным да сылнын чонгымо пёрт-влакым. Изам-влак дене модмына годым мый Вячеслав Анатольевич Кольцовым ужынам. Тудо радиошто пашам ышта. Тудын вўдымө «Шым гана висе» концертымат онченам.
Полина МАКСИМОВА.
Параньга, Матародо.

Физкультминутко

Рын шогалына

Омо пызыраш тўнале, Писын рын шогалына. Кидым ўлык, кўшкө, ончык, Капкылнам тарватена. Икте-весынам ончалын, Вуйна ден рўзалтена. Угычын ручкам кучалын, Парт коклашке шинчына.

Н.Д.ИЛЬИНА.
Волжский, Карай.



Кок

шырпым верже дене вашталтен, чын вашмутым ыштыза.

Снимкыште:
Медведево район Изи
Лўльпан ял гыч
Полина СОКОЛОВА
«Казанский Пырыс»
памятник ончылно.

Чыл-чыл чылгыкта,
шинчам йымыкта,
Ола гыч толын,
тувырашыш кержалтын.

Иден улмаш Писе лўман шукш. Ача-аваже чодыраш каенытат, Писым шкетшым пёртеш коденыт. Суртышт – олма. Моткоч кугу: мыняр пөлем, мыняр омса. Шотлен от пытаре! Писылан йокрок лийын, ик верыште шинчен кертын огыл – эре тарванылмыже шуын. Арам огыл тыгай лўмым пуэныт. Уремышке лектын. Мөнгеш пурең ок мошто, шке пөлемышкыже корным йомдарен. Йоча-влак, Писылан полшыза!



Интернеттесе сўрет-влакым кучылтмо.



1 гыч 51 марте цифр-влакым кычал.